

Haitian

Pre K Boston

Lekòl Matènèl Inivèsèl (Universal Pre-Kindergarten, UPK), se yon pwogram ki finanse pa Vil Boston e ki pwomèt pou l founi **bonjan kalite chwa siperyè gratis** bay timoun Boston ki gen **laj twa ak katran**. Lekòl matènèl se yon jounen lekòl 6,5 èdtan pandan 180 jou pa ane.

Modèl lekòl matènèl inivèsèl (UPK) Boston an ofri **menm pwogram kalite siperyè yo nan plizyè tip anviwònman**:



Lekòl Piblik
Boston



Lekòl
endependan yo



Gadri timoun
pou fanmi



Sant kominotè

Lekòl matènèl inivèsèl kalite siperyè vle di:

- Pwogram Lekòl Matènèl Inivèsèl (UPK) Boston an **depase nòm nasyonal yo**.
- Tout pwofesè lekòl matènèl yo genyen yon **degre nan edikasyon timoun piti (sa yo rele "early childhood education")** e yo prepare pou yo anseye nan divès anviwònman sal de klas pou **bay tout elèv sipò, kèlkeswa orijin yo** ak bezwen yo.
- Pwofesè yo resevwa **devlopman pwofesyonèl kontinyèl** pandan tout ane a pou amelyore ansèyman yo.
- Gen divès antrenè ekspè ki bay **pwofesè yo sipò kontinyèl**.
- Elèv yo aprann kichòy nan **pwogram etid « Boston Public Schools Focus on Pre-K la »** (ki vle di « **Lekòl Piblik Boston Konsantre sou lekòl matènèl** ») ak nan **pwogram etid « Building Blocks »** (« **Blòk pou Bati** »), ki toude sèvi kòm modèl nasyonal nan edikasyon timoun piti.
- Tout anviwònman sal de klas yo **apwopriye pou laj** elèv yo e yo **pran kilti yo an konsiderasyon**.

Familyarize tèt ou avèk Manyèl Enfòmasyon pou Fanmi pwogram UPK yo ; jis itilize Kòd QR la



Haitian

Pre K Boston

Kilès ki elijib ?

Nenpòt timoun ki se yon abitan Vil Boston e ki gen laj 3 oswa 4 an, pa pi ta ke lye septanm nan ane skolè k ap vini an, ap elijib.

Se kòman mwen kapab fè yon demann ?

Pou w enskri pitit ou nan Lekòl Matènèl Inivèsèl nan youn nan founisè kominotè nou yo ak lekòl endependan n yo, n ap mande w pou w konsilte paj nou sou sit entènèt Lekòl Piblik Boston an (www.bostonpublicschools.org/upk) e klike sou bouton « Apply Now » la. Epitou ou kapab kontakte Ekip Enskripsiyon UPK la, nan adrès imel : upk@bostonpublicschools.org, oubyen rele nou nan nimewo telefòn 617-635-1507. N ap bay tradiksyon sou demann. N ap konsidere demann yo tank y ap vini, jiskaske tout plas yo ranpli pami tout founisè yo.

Pou ki sa enskripsiyon nan Lekòl Matènèl Inivèl (UPK) ak enskripsiyon nan Lekòl Piblik Boston chak fèt apa (separeman) ?

Enskripsiyon pou sal de klas lekòl matènèl Lekòl Piblik Boston yo fèt atravè Sèvis Dakèy Lekòl Piblik Boston yo, ki jere enskripsiyon nan lekòl yo. Akoz ke founisè kominotè yo ak Lekòl Piblik Boston se de (2) antite apa, yon pwosesis enskripsiyon apa te kreye pou satisfè, nan yon fason pi efikas, bezwen founisè sila yo ki pran angajman pou yo etabli yon patenarya avèk Lekòl Matènèl Inivèsèl (UPK) pou sèvi timoun laj 3 jiska 4 an gratis, san peye senk kòb.

Byenke enskripsiyon pou yon plas nan yon sal de klas Lekòl Piblik Boston ak plas UPK nan yon pwogram kominotè se de (2) bagay separe, entansyon an se pou pwogram nan, eksperyans elèv yo, sipò pwofesè yo, ak ansèyman yo toujou menm. Vil Boston rekonèt ke divès sistèm enskripsiyon separe kapab kreye plis kesyon pou fanmi yo, donk vil la pran angajman pou l devlope yon platfòm enskripsiyon inifye, nan yon fiti ki pa twò lwen.